

## ISLAM I MUSLIMANI U SLOVAČKOJ

Prema popisu pučanstva iz 2001. godine u Slovačkoj je bilo 5.000 muslimana, što iznosi oko 0,1% ukupno g broja stanovnika. U 17. Stoljeću središnji dio južne Slovačke bio je okupiran od strane Osmanske imperije. U regiji Novohrad podignuto je nekoliko muslimanskih naselja. U drugim regijama nije bilo muslimana za vrijeme osmanske okupacije.

U srednjem vijeku dva muslimanska naroda Pečenegi (Bošnjaci) i Kumani su po nalogu ugarskih kraljeva tri puta slani u obranu sjevernih granica, to jest današnje Slovačke, a protiv češke invazije i to 1260. za vrijeme Premislava Otokara, 1300-1305 za vrijeme Vencislava i za vrijeme Husita od 1427-1434. godine.

Nakon poraza ugarske vojske na Mohaču 1526. godine osmanske su postrojbe okupirale Šturovo (Parkany) i druge dijelove južne Slovačke. Kasnije su osmanske trupe okupirale i druge dijelove u središnjoj Slovačkoj u području Nitre. Kad su Osmanlije izgubili bitku pod Bečom povukle su se iz Slovačke u periodu od 1687 do 1699 godine, čime je u cjelosti nestalo muslimana na području ove države.

Većina današnjih muslimana u Slovačkoj su izbjeglice iz bivše Jugoslavije (Bošnjaci i Albanci) te Turci i Kurdi iz Turske koji su došli za poslom. Pored spomenutih tu je i nekoliko desetina arapskih studenata. Većina muslimana živi i radi u glavnom gradu Bratislavi, dok manje zajednice postoje u Košicama i Martinu. Nekoliko desetina emigranata muslimana dobilo je slovačko državljanstvo. Tomu treba dodati i 150 Slovaka koji su prihvatili islam između 1990. i 1993. godine kada je Slovačka stekla nezavisnost.

Trenutno u Slovačkoj nema džamije nego tri mesdžida u zakupljenim prostorima. Godine 2000. došlo je do spora između Islamske zajednice i gradonačelnika Bratislave koji je odbio zahtjev za izgradnjom džamije iako je kupljeno zemljište u tu svrhu. Tako je Slovačka uz Sloveniju druga europska zemlja u kojoj nema džamije. Teroristički napadi na Sjedinjene Američke Države 2001. godine imali su negativne posljedice na muslimane u Slovačkoj. Vlada ove zemlje bila je među prvima u Europi koja je pružila SAD punu podršku u borbi protiv terorizma. Slovačko javno mnijenje je skoro u cijelosti prozvalo islam kao ideologiju terorizma. Pokušaj muslimana da mesdžid u Bratislavi bude posrednik u rješavanju brojnih problema muslimana u ovoj zemlji, odbijen je od strane slovačkih vlasti tako da su ostali bez zaštite. U Slovačkoj pored mesdžida u Bratislavi, vrlo skućenog i neprimjerenog, postoji i Zaklada (vakuf) za izgradnju džamije te muslimanska studentska udruga. Može se slobodno konstatirati da je položaj muslimana u Slovačk među najsloženijima u Europi.